

演作破陣樂八舞校隊猶餘葩貞觀以來遽絕筆潼關散卒奔
濤斜古人紙上已糟粕况乃沙石喧江海天公幸自惜人命約
束瀕湧嚴誰何捐圖尋跡望千載嵩雲晝銷高嵯峨

八陣懷古

吳寬

遺壘不可數神謀亦壯哉誰言愧將畧敵自服奇才狐鼠悲吳
魏風雲護草萊彌牟還廟貌長嘯使人哀

武侯八陣圖一在夔府

曹學佺

鼎足三分事已成圖開八陣舊知名喧豺峽浪終難破錯落江
沙若不明人日尙傳來踏積將星遙映在行營至今千載無人
識獨有桓温鑒別精

道藏輯要

忠武侯集
詩

奎

星集四
三

一在新都彌牟鎮

曹學佺

廣漢南來近蜀都江城辨色已馳驅曉雲不散彌牟鎮春草橫
生八陣圖自媿書生行部日得知丞相苦心無由來沃野稱千
里處處桑麻望不孤